

## თამაზ ბერაძის სახელობის ქართველოლოგიის ინსტიტუტის დებულება

### მუხლი 1. ზოგადი დებულებები

- 1.1. შპს „საქართველოს უნივერსიტეტი“ (შემდგომში - „უნივერსიტეტი“) „თამაზ ბერაძის სახელობის ქართველოლოგიის ინსტიტუტი“ (შემდგომში - „ინსტიტუტი“) არის უნივერსიტეტის დამოუკიდებელი მულტიდისციპლინური სამეცნიერო-კვლევითი ერთეული.
- 1.2. ინსტიტუტი ექვემდებარება უნივერსიტეტის სამეცნიერო-კვლევით ინსტიტუტს და ანგარიშვალდებულია ინსტიტუტის, უნივერსიტეტის რექტორის წინაშე და ამავდროულად, ხელოვნებისა და ჰუმანიტარულ მეცნიერებათა სკოლის წინაშე საკუთარი კომპეტენციის ფარგლებში.
- 1.3. ინსტიტუტი თავის საქმიანობაში ხელმძღვანელობს მოქმედი კანონმდებლობით, უნივერსიტეტის წესდებითა და წინამდებარე დებულებით.
- 1.4. წინამდებარე დებულება განსაზღვრავს ინსტიტუტის სამართლებრივ სტატუსს, საქმიანობის სფეროს, მიზანსა და ფორმებს, ასევე, არეგულირებს მის ფუნქციონირებასთან დაკავშირებულ საკითხებს.

### მუხლი 2. ინსტიტუტის საქმიანობის სფერო, მიზანი და ფორმები

- 2.1. ინსტიტუტის საქმიანობის სფეროა ქართველოლოგიის სამეცნიერო სფეროში კვლევების განხორციელება, რაც, ფართო გაგებით მოიცავს, როგორც ქართველებისა და საქართველოს შემსწავლელ ყველა ჰუმანიტარულ დარგს: ენათმეცნიერებას, ლიტერატურათმცოდნეობას, ხელოვნებას, არქეოლოგიას, ფოლკლორისტიკას, ეთნოგრაფიას, ნუმისმატიკას, სფრაგისტიკას, ისტორიას, ეკონომიკას, სამართალმცოდნეობას, ეპიგრაფიკას, პალეოგრაფიას, წყაროთმცოდნეობას და ა.შ.
- 2.2. ინსტიტუტის საქმიანობის მიზანია, საკუთარი საქმიანობის სფეროში კვალიფიციური დისციპლინური და მულტიდისციპლინური სამეცნიერო-კვლევითი საქმიანობის განხორციელება, ასევე, სათანადო ადამიანური და მატერიალური აკადემიური რესურსის მობილიზება და შექმნა.
- 2.3. ინსტიტუტის საქმიანობის ერთ-ერთი მთავარი მიზანია უნივერსიტეტის სოციალურ-მეცნიერებათა, სამართლის, ბიზნესისა და ადმინისტრაციულ მეცნიერებათა სკოლების და, განსაკუთრებით, ხელოვნებისა და ჰუმანიტარულ მეცნიერებათა სკოლის როგორც საბაკალავრო პროგრამის (მესამე/მეოთხე წელი) სტუდენტების, ისე განსაკუთრებით, სამაგისტრო და სადოქტორო პროგრამების სტუდენტებისათვის კვლევების წარმოებაში ხელშეწყობა;

#### 2.4. ინსტიტუტის საქმიანობის ფორმებია:

- ა) სამეცნიერო-კვლევით პროგრამებისა და პროექტების შემუშავება და განხორციელება, მათ შორის, უნივერსიტეტის აკადემიური პერსონალისა და სტუდენტების ჩართულობით;
- ბ) კვალიფიციური ბეჭდური, აუდიო-ვიდეო და სხვა ტიპის აკადემიური პროდუქტის მოპოვება, მომზადება, პუბლიკაცია და დაარქივება (ელექტრონული ბაზების მუზეუმების და საგამოფენო სივრცეების შექმნა);
- გ) თანამშრომლობა უნივერსიტეტის სხვა სამეცნიერო-კვლევით და სასწავლო ერთეულებთან;
- დ) თანამშრომლობა შესაბამის ეროვნულ და საერთაშორისო აკადემიურ ინსტიტუტებთან და კვლევით თუ სასწავლო ცენტრებთან;
- ე) ეროვნული და საერთაშორისო აკადემიური ღონისძიებების ორგანიზება და მათში მონაწილეობა;
- ვ) საკუთარ სფეროში საექსპერტო, საკონსულტაციო და წარმომადგენლობითი საქმიანობის განხორციელება;
- ზ) უნივერსიტეტის საგანმანათლებლო პროცესის ხელშეწყობა.

#### მუხლი 3. ინსტიტუტის სტრუქტურა და ხელმძღვანელობა

3.1. ინსტიტუტის სტრუქტურა შედგება მართვის ორგანოებისა (ინსტიტუტის დირექტორი და ინსტიტუტის სამეცნიერო საბჭო) და სამეცნიერო სტრუქტურული ერთეულებისაგან (დეპარტამენტებისაგან), რომლებიც ჩამოყალიბდება ინსტიტუტის განვითარების შესაბამისად.

##### 3.1.<sup>1</sup> გაუქმებულია

3.2. ინსტიტუტის სამეცნიერო და ადმინისტრაციულ საქმიანობას ხელმძღვანელობს ინსტიტუტის დირექტორი, რომელსაც უნივერსიტეტის სამეცნიერო-კვლევითი ინსტიტუტის წარდგენით, თანამდებობაზე ნიშნავს უნივერსიტეტის რექტორი. ინსტიტუტის დირექტორი ანგარიშვალდებულია უნივერსიტეტის რექტორის, უნივერსიტეტის სამეცნიერო-კვლევითი ინსტიტუტის წინაშე.

##### 3.3. ინსტიტუტის დირექტორი:

- ა) ხელმძღვანელობს ინსტიტუტის სამეცნიერო და ადმინისტრაციულ საქმიანობას;
- ბ) ხელმძღვანელობს ინსტიტუტის სამეცნიერო საბჭოს;

გ) უნივერსიტეტის სამეცნიერო-კვლევით ინსტიტუტთან შეთანხმებით აკომპლექტებს ინსტიტუტის სამეცნიერო საბჭოს, ქმნის და აკომპლექტებს ინსტიტუტის დეპარტამენტებს და **წარუდგენს** უნივერსიტეტის რექტორს დასამტკიცებლად;

დ) თანამდებობაზე ნიშნავს და ათავისუფლებს ინსტიტუტის პერსონალს;

ე) უნივერსიტეტის რექტორთან და უნივერსიტეტის სამეცნიერო-კვლევით ინსტიტუტთან შეთანხმებით ამტკიცებს ინსტიტუტის სამეცნიერო-კვლევით პროგრამებსა და პროექტებს, აგრეთვე დოქტორანტებისა და მაგისტრანტებისათვის განკუთვნილ სასწავლო-კვლევით პროექტებს;

ვ) უნივერსიტეტის სამეცნიერო-კვლევით ინსტიტუტთან და უნივერსიტეტის რექტორთან შეთანხმებით ამტკიცებს ინსტიტუტის სტრატეგიული განვითარების გეგმასა და სამეცნიერო კვლევების მიმდინარე გეგმებს;

ზ) შეიმუშავებს და უნივერსიტეტის სამეცნიერო-კვლევით ინსტიტუტს დასამტკიცებლად წარუდგენს ინსტიტუტის ყოველწლიური ბიუჯეტსა და სამტატო ნუსხას;

თ) უნივერსიტეტის სამეცნიერო-კვლევით ინსტიტუტს წარუდგენს ინსტიტუტის საქმიანობის წლიურ ანგარიშს;

ი) წარმოადგენს ინსტიტუტს მესამე პირებთან ურთიერთობებში;

ბ) საკუთარი თანამდებობრივი ვალდებულებების ფარგლებში ასრულებს უნივერსიტეტის რექტორისა და უნივერსიტეტის სამეცნიერო-კვლევითი ინსტიტუტის დავალებებს.

#### **მუხლი 4. ინსტიტუტის პერსონალი**

**4.1.** ინსტიტუტის პერსონალი შედგება ადმინისტრაციული, სამეცნიერო და დამხმარე პერსონალისგან. ინსტიტუტის დირექტორი არის ადმინისტრაციული და სამეცნიერო პერსონალი.

**4.2.** ინსტიტუტის სამეცნიერო პერსონალია:

**4.2.1.** მთავარი მეცნიერ-თანამშრომელი - მთავარი მეცნიერ-თანამშრომელი აფილირებული უნდა იყოს საქართველოს უნივერსიტეტთან. ის უნდა იყოს დოქტორის ან მასთან გათანაბრებული აკადემიური ხარისხის მქონე პირი, რომელსაც აქვს შესაბამის სფეროში სამეცნიერო-კვლევითი საქმიანობის არანაკლებ 6

წლიანი გამოცდილება. მთავარი მეცნიერ-თანამშრომელი უფლებამოსილია დამოუკიდებლად განახორციელოს სამეცნიერო კვლევა, უხელმძღვანელოს სადოქტორო ან ინსტიტუტში მიმდინარე სამეცნიერო კვლევას და დაიკავოს ინსტიტუტის დეპარტამენტის ხელმძღვანელის თანამდებობა.

**4.2.2.** უფროსი მეცნიერ-თანამშრომელი - უფროსი მეცნიერ-თანამშრომელი აფილირებული უნდა იყოს საქართველოს უნივერსიტეტთან. ის უნდა იყოს დოქტორის ან მასთან გათანაბრებული აკადემიური ხარისხის მქონე პირი, რომელსაც აქვს შესაბამის სფეროში აკადემიური (სასწავლო ან/და კვლევით) საქმიანობის არანაკლებ 3 წლიანი გამოცდილება. უფროსი მეცნიერ-თანამშრომელი უფლებამოსილია დამოუკიდებლად განახორციელოს სამეცნიერო კვლევა და მონაწილეობა მიიღოს ინსტიტუტში მიმდინარე სამეცნიერო კვლევაში.

**4.2.3.** მეცნიერ-თანამშრომელი - მეცნიერ-თანამშრომელი აფილირებული უნდა იყოს საქართველოს უნივერსიტეტთან. ის შეიძლება იყოს როგორც დოქტორის, ისე მაგისტრის ან მათთან გათანაბრებული აკადემიური ხარისხის მქონე პირი, მეცნიერ-თანამშრომელი უფლებამოსილია დამოუკიდებლად განახორციელოს სამეცნიერო კვლევა და მონაწილეობა მიიღოს ინსტიტუტში მიმდინარე სამეცნიერო კვლევაში.

**4.2.4.** ასისტენტი - ასისტენტი შეიძლება იყოს ბაკალავრიატის ან მაგისტრატურის სტუდენტი, ასევე ბაკალავრის ან მაგისტრის ან მათთან გათანაბრებული აკადემიური ხარისხის მქონე პირი, რომელიც ასისტირებას და ტექნიკურ დახმარებას უწევს მთავარ მეცნიერ-თანამშრომელს, უფროს მეცნიერ-თანამშრომელს და მეცნიერ-თანამშრომელს, ასევე ახორციელებს მუდმივმოქმედი სემინარების და კონფერენციების ტექნიკურ გაძღვლას და უზრუნველყოფს ოქმების შედგენას.

**4.3.** ინსტიტუტის სამეცნიერო პერსონალს უფლება აქვს: დამოუკიდებლად განახორციელოს სამეცნიერო კვლევა და მონაწილეობა მიიღოს ინსტიტუტში მიმდინარე სამეცნიერო კვლევებში; მონაწილეობა მიიღოს საგრანტო დაფინანსების მოპოვების მიზნით გამოცხადებულ კონკურსებში, მიიღოს და ისარგებლოს ინდივიდუალური საგრანტო დაფინანსებით; ისარგებლოს უნივერსიტეტის/ინსტიტუტის აკადემიური რესურსებითა და ინფრასტრუქტურით; განახორციელოს საქართველოს კანონმდებლობით, უნივერსიტეტის წესდებითა და ინსტიტუტის დებულებით მისთვის მინიჭებული სხვა უფლებამოსილებანი.

**4.4.** ინსტიტუტის სამეცნიერო პერსონალი ვალდებულია: დაიცვას უნივერსიტეტის შინაგანაწესითა და ინსტიტუტის დებულებით დადგენილი მოთხოვნები; შეასრულოს შრომითი ხელშეკრულებით ნაკისრი ვალდებულებები ინსტიტუტის დირექტორის მიერ განსაზღვრულ ვადებში და ფორმით წარმოადგინოს სამუშაო გეგმა და შესრულებული სამუშაოს ანგარიში; გაუფრთხილდეს და დაიცვას მის სარგებლობაში არსებული უნივერსიტეტის/ ინსტიტუტის აკადემიური რესურსები და ინფრასტრუქტურა; გაუფრთხილდეს უნივერსიტეტის/ინსტიტუტის

რეკლამაციას; პერიოდულად მოამზადოს და გამოაქვეყნოს სამეცნიერო სტატიები (მინიმუმ ერთი წელიწადში) და გამოაქვეყნოს ის მეცნიერების ამ დარგში საერთაშორისოდ აღიარებულ პერიოდიკაში; საკუთარი კომპეტენციის შესაბამისად მონაწილეობა მიიღოს ინსტიტუტის აკადემიურ ღონისძიებებში; შეასრულოს ინსტიტუტის დირექტორის, სამეცნიერო საბჭოს და დეპარტამენტის ხელმძღვანელის გადაწყვეტილებები და დავალებები.

- 4.5. ინსტიტუტის სამეცნიერო პერსონალის თანამდებობის დაკავება ხდება ინსტიტუტის მიერ ჩატარებული ღია კონკურსის საფუძველზე.
- 4.6. ინსტიტუტის დამხმარე პერსონალია სპეციალისტი, რომელიც ასრულებს საშტატო განრიგით გათვალისწინებულ არასამეცნიერო საქმიანობას. სპეციალისტს თანამდებობაზე ნიშნავს და ათავისუფლებს ინსტიტუტის დირექტორი.
- 4.7. ინსტიტუტის სამეცნიერო და დამხმარე პერსონალის თანამდებობაზე დანიშვნის ვადა, ანაზღაურება და სხვა შრომითი პირობები განისაზღვრება ხელშეკრულებით.

#### **მუხლი 5. ინსტიტუტის ქონება, ფინანსები და ბიუჯეტი**

- 5.1. ინსტიტუტი სარგებლობს უნივერსიტეტის მიერ მისთვის გამოყოფილი სამეცნიერო და საქართველოს კანონმდებლობით ნებადართული სხვა საქმიანობისთვის აუცილებელი უძრავ-მოძრავი ქონებით და პასუხისმგებელია ამ ქონების მოვლა-პატრონობასა და ეფექტურად (მიზნობრივად) გამოყენებაზე.
- 5.2. ინსტიტუტის დაფინანსების წყარო შეიძლება იყოს:
  - ა) უნივერსიტეტის ბიუჯეტიდან მიზნობრივად გამოყოფილი თანხები;
  - ბ) ხელშეკრულების საფუძველზე შესრულებული სამუშაოდან მიღებული შემოსავალი;
  - გ) გრანტებით მიღებული შემოსავალი;
  - დ) შემოწირულობები;
  - ე) საქართველოს კანონმდებლობით ნებადართული სხვა სახის დაფინანსება.
- 5.3. ინსტიტუტის მიერ მოზიდული სახსრები გამოიყენება მხოლოდ ინსტიტუტის სამეცნიერო-კვლევითი საქმიანობის უზრუნველსაყოფად ან/და პერსონალის შრომის ანაზღაურებისათვის.

**5.4.** ინსტიტუტის გააჩნია დამოუკიდებელი ბიუჯეტი, რომელიც შედგება 5.2. მუხლით გათვალისწინებული წყაროებიდან მიღებული ფინანსებით. ინსტიტუტის ბიუჯეტს ინსტიტუტის დირექტორის წარდგინებით ამტკიცებს უნივერსიტეტის სამეცნიერო-კვლევითი ინსტიტუტი.

## **მუხლი 6. ინსტიტუტის რეორგანიზაცია და ლიკვიდაცია**

**6.1.** ინსტიტუტის რეორგანიზაციის პროექტს შეიმუშავებს ინსტიტუტის სამეცნიერო საბჭო და დასამტკიცებლად წარუდგენს უნივერსიტეტის სამეცნიერო-კვლევით ინსტიტუტს. რეორგანიზაციის შედეგად განხორციელებული ცვლილებები დადგენილი წესით აისახება ინსტიტუტის დებულებაში.

**6.2.** ინსტიტუტის ლიკვიდაციის საფუძველი შეიძლება გახდეს:

ა) ინსტიტუტის დებულებით გათვალისწინებული ვალდებულებების შეუსრულებლობა;

ბ) უნივერსიტეტის წესდებითა და საქართველოს კანონმდებლობით გათვალისწინებული სხვა შემთხვევა.

**6.2.** ინსტიტუტის ლიკვიდაცია ხორციელდება კანონმდებლობით დადგენილი წესით.

## **მუხლი 7. გარდამავალი დებულებები**

**7.1.** ინსტიტუტის წესდებით გათვალისწინებული სამეცნიერო საბჭოს ჩამოყალიბებამდე ინსტიტუტის მართვას ერთპიროვნულად ახორციელებს ინსტიტუტის დირექტორი.

**7.2.** ინსტიტუტის სამეცნიერო საბჭოს და დეპარტამენტების უფლებამოსილებები დამატებით განისაზღვრება მათი ჩამოყალიბების შესაბამისად.

## **მუხლი 8. დასკვნითი დებულებები**

**8.1.** ინსტიტუტის დებულებას უნივერსიტეტის სამეცნიერო-კვლევითი ინსტიტუტის წარდგინებით ამტკიცებს უნივერსიტეტის რექტორის საბჭო. დებულება ძალაში შედის დამტკიცების მომენტიდან.

**8.2.** ინსტიტუტის დებულებაში ცვლილებებისა და დამატებების შეტანის პროექტს ამზადებს ინსტიტუტის სამეცნიერო საბჭო და შესათანხმებლად წარუდგენს უნივერსიტეტის სამეცნიერო-კვლევით ინსტიტუტს. ინსტიტუტის დებულებაში ცვლილებებისა და დამატებების შეტანის პროექტს უნივერსიტეტის სამეცნიერო-კვლევითი ინსტიტუტის წარდგინებით ამტკიცებს უნივერსიტეტის რექტორის

საბჭო. ინსტიტუტის დებულებაში შეტანილი ცვლილებები და დამატებები ძალაში შედის დამტკიცების მომენტიდან.

**დოკუმენტში შეტანილი ცვლილებები:**

ცვლილება რექტორის საბჭოს 2022 წლის 7 მარტის N 07/22 ოქმით

ცვლილება რექტორის საბჭოს 2025 წლის 13 ოქტომბრის N 20/25 ოქმით

ცვლილება რექტორის საბჭოს 2026 წლის 16 მარტის N 08/26 ოქმით